

სსიპ - ქუთაისის უმაღლესი სამუსიკო კოლეჯი

სსიპ - ბათუმის ხელოვნების სასწავლო უნივერსიტეტი

## ურთიერთთანამშრომლობის მემორანდუმი

### პრეამბულა

საქართველოში უმაღლესი განათლებისა და მეცნიერების სფეროში მიმდინარე რეფორმების ძირითადი პრინციპების, კვლევებისა და სწავლების ინტეგრირების, აკადემიური პროგრამების ხარისხის ამაღლების და დაახლოების პრაქტიკული განხორციელების მიზნით სსიპ - ბათუმის ხელოვნების სასწავლო უნივერსიტეტი და სსიპ - ქუთაისის უმაღლესი სამუსიკო კოლეჯი თანხმდებიან თანამშრომლობაზე შემოქმედებით, სამეცნიერო-კვლევით და სასწავლო-აკადემიურ საკითხებში.

ურთიერთთანამშრომლობა ხელს შეუწყობს:

- შემოქმედებითი, სამეცნიერო კვლევისა და აკადემიური განათლებისათვის აუცილებელი მატერიალურ-ტექნიკური რესურსების ეფექტურად გამოყენებას;
- აკადემიური პროგრამების თავსებადობას კურიკულუმის კონსტრუირების, სწავლის შედეგებისა და კომპეტენციების ჩარჩოს ფარგლებში;
  - სასწავლო-შემოქმედებითი ბაზების ერთიანი ქსელის შექმნას;
  - საშემსრულებლო და თეორიული მიმართულების სპეციალისტთა მიერ კონსულტაციების, მასტერკლასებისა და სხვა სასწავლო შემოქმედებითი მუშაობის ჩატარებას;
  - პროფესიული დონის ამაღლებას, ინტეგრაციას საერთაშორისო სივრცეში, სამაგისტრო ნაშრომების ხარისხის მნიშვნელოვან გაზრდას.
  - ცალკეულ მიმართულებებში ერთობლივი საგანმანათლებლო პროგრამების მომზადებასა და განხორციელებას.

მუხლი 1

- 1.1. მხარეები აწარმოებენ შეთანხმებულ პოლიტიკას კვლევისა და განათლებისათვის აუცილებელი რესურსების მოზიდვისა და სასწავლო-შემოქმედებითი სამუშაოების დაგეგმვისათვის ორმხრივი ინტერესების შესაბამისად.
- 1.2. თითოეული მხარის მნიშვნელოვან მატერიალურ-ტექნიკურ რესურსებს უნივერსიტეტების პროფესორები და სამეცნიერო-კვლევითი და სასწავლო-შემოქმედებითი პროექტებში ჩართული სტუდენტები გამოიყენებენ უსასყიდლოდ.
- 1.3. მხარეები გაუწევენ ერთმანეთს კონსულტაციებს უმაღლესი პროფესიული პროგრამების სტუდენტების, ბაკალავრებისა და მაგისტრანტების მომზადებაში. განახორციელებენ ერთობლივ სასწავლო-შემოქმედებით პროექტებს.
- 1.4. მონაწილეობას მიიღებენ სამაგისტრო ნაშრომების ექსპერტიზაში.
- 1.5. მხარეები მონაწილეობას მიიღებენ საგანმანათლებლო პროგრამების შემუშავებაში (ინფორმაციის გაცვლა, მეთოდური დახმარება და სხვა.) აკადემიური პროგრამების დაახლოებისა და კომპეტენციების ჩამოყალიბების მიზნით.
- 1.6. უზრუნველყოფენ პროფესორ-მასწავლებელთა და სტუდენტთა გაცვლას აკადემიური პროგრამების და პროფესიული პრაქტიკების ფარგლებში.
- 1.7. საკუთარი კომპეტენციების ფარგლებში უზრუნველყოფენ პროფესორ-მასწავლებელთა სტაჟირებას.
- 1.8. განახორციელებენ ერთობლივ სამეცნიერო სემინარებს, კონფერენციებს, სიმპოზიუმებს, ფესტივალებს, საკონგრესო წარმოდგენებს.
- 1.9. უზრუნველყოფენ ბიბლიოთეკებით სარგებლობის ხელმისაწვდომობას.

მუხლი 2

- 2.1. წინამდებარე შეთანხმებაში თითოეულ მხარეს შეუძლია ცვლილებებისა და დამატებების შეთავაზება ურთიერთშეთანხმების საფუძველზე.
- 2.2. მხარეთა შორის ურთიერთობათა სპეციფიკა, რომელიც არაა განსაზღვრული მემორანდუმში, რეგულირდება ორმხრივი შეთანხმებით.
- 2.3. მხარეები აძლევენ ერთმანეთს გარანტიას, რომ ისინი უპირობოდ, სრულად და კეთილსინდისიერად შეასრულებენ წინამდებარე ხელშეკრულებით გათვალისწინებულ ყველა პირობას.

მუხლი 3

- 3.1. წინამდებარე მემორანდუმის შესრულებასთან დაკავშირებული სადავო საკითხები გადაიჭრება კონსულტაციების და მოლაპარაკების გზით.
- 3.2. ეს მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ რაიმე სხვა გადაწყვეტილების მიღებამდე.
- 3.3. ურთიერთთანამშრომლობის მემორანდუმი შედგენილია თანაბარი იურიდიული ძალის მქონე ორ ეგზემპლარად, რომელთა თითო პირები გადაეცემა მხარეებს.

სსიპ - ქუთაისის უმაღლესი სამუსიკო კოლეჯის რექტორი, პროფესორი *h. ლორთქიფანიძე*



სსიპ - ბათუმის ხელოვნების სასწავლო უნივერსიტეტის რექტორი, პროფესორი *ე. მესხია*



ე. მესხია  
ქ. ბათუმი  
2011 წლის 17 მარტი